

Y-Yôhan

Klei Yal Dlie Sit/Klei Yal Dlie Kao

Week 5

- 1) *Kcum hong klei wac lac. Akao ko Yang Mngat Jak brei ko ih klei mngac buh ejai mong ih dok.*
- 2) *Leh anan ma gie cih, kcum treh leh anan cih klei min leh anan klei emuh ti djieo.*
- 3) *Leh pioh mmong dok, treh ti gu boh hra, tual jum dar boh hra, leh anan cih pioh, wit lac klei emuh ti knal tuc grap elan kliang.*

Ko Hruê tal sa leh anan hruê tal tlaô truh tal ema. Elao ko ih ciang dlang leh anan ksiem min hlam kdrec anei, akao Ae Die dru, ciang ih thao Yesu.

A. *Ya klei anei ciang bi hriam kao mong Jesu (klei mto Nu, do yuom Nu, ya do Nu ciang edi)?*

B. *Si nga klei thao sang min anei bi kcut, bi mlih, leh anan/amao dah bi mngat kao (hlam klei dao kao, brua nga kao)?*

Si nga klei thao min anei dui bi mcut klei kao yal dlîe?

C. *Ae Die ieu kao ciang mbha klei thao anei ko hlei po hruê anei (boh blu leh anan/amao dah brua nga)?*

Hruê Tal Sa -

Y-Yôhan 7:14-24

14Ti krah wah klei knăm, Yêsu nao kơ sang kkuh mpũ leh anăn mtô. 15Phung Yuđa bi kngă kơ klei anăn, lač, “Si mnuih anei duri mào klei thào lu snăn, ñu amào tuôm hriăm ôh?” 16Yêsu lõ wĩt lač kơ digơ, “Klei kào mtô amào djõ klei kào pô ôh, biădah klei pô tiõ hriê kào. 17Tơdah sa cõ mnuih čiăng ngă tui si klei Aê Diê čiăng, gơ srăng thào thào dah klei kào mtô kbiă hriê mống Aê Diê amòdah kào blũ tui si klei duri kào pô. 18Hlei pô blũ tui si klei duri ñu pô duah klei guh kơang kơ ñu pô; biădah hlei pô duah klei guh kơang kơ Pô tiõ hriê ñu jing sĩt, leh anăn hlăm ñu amào mào klei wê ôh. 19Amào djõ hẽ Y-Môis brei leh klei bhiăn kơ diih? iădah amào mào ôh sa cõ hlăm phung diih gut kơ klei bhiăn. Si ngă diih duah bi mdjiê kào lẽ?” 20Phung buôn sang lõ wĩt lač, “Ih mào sa cõ yang jhat. Hlei pô duah bi mdjiê ih?” 21Yêsu lõ wĩt lač kơ digơ, “Kào ngă leh sa mta bruă, leh anăn jih jang diih dôk bi kngă kyua bruă anăn. 22Y-Môis brei kơ diih klei bhiăn khăt klĩt (klei anăn amào kbiă mống Y-Môis ôh, biădah mống phung aê diih), leh anăn diih khăt klĩt arăng ti hruê sabat. 23Tơdah sa cõ êkei tũ klei khăt klĩt ti hruê sabat, čiăng amào gao ôh klei bhiăn Y-Môis, si ngă diih ăl kơ kào kyudah ti hruê sabat kào bi hlao leh kluôm aseï mlei sa cõ mnuih? 24Đăm phat kđi tui si klei bi êdah ti êngao ôh, biădah brei diih phat kđi hõng klei kpă.”

Hrue Tal Dua -

Y-Yôhan 7:25-36

Yêsu Jing Yang Krist Mơ?

25Mâu đã đã hằm phung buồn sang Yêrusalem lač, “Amâu djö hể mnuih anei yoh arăng čiăng bi mdjiê? 26Ně anei, ñu dôk mtô ti anăp jih jang, leh anăn arăng amâu lač sa klei kơ ñu ôh. Djö mơ phung khua kiă kriê thảo sít mnuih anei jing Yang Krist? 27iădah drei thảo leh mông mnuih anei kbiă hriê; bi Krist todah Ñu hriê, amâu mào pô thảo ôh mông Ñu kbiă hriê.” 28Snăn Yêsu ur krai hêjai Ñu mtô hằm sang kkuh mpũ, “Diih thảo kral kâo leh, leh anăn diih thảo mông kâo kbiă hriê. iădah kâo amâu hriê ôh tui si kâo pô čiăng; Pô tiô hriê kâo jing Pô sít nik, leh anăn diih amâu thảo kral Ñu ôh. 29iădah kâo thảo kral Ñu, kyudah kâo kbiă hriê mông Ñu, leh anăn Ñu yoh tiô hriê kâo leh.” 30Snăn diñu duah čiăng mã cặp Yêsu, biădah amâu mào pô ruêh gơ ôh, kyudah mông gơ ka truh. 31iădah mào lu mnuih đăo kơ gơ leh anăn digơ lač, “Todah Yang Krist sřang truh, Ñu sřang ngă klei bi knăl yuôm bñn lu hñn kơ mnuih anei ngă leh mơ?”

Arăng Tiô Nao Phung Kahan Mã Cặp Yêsu

32Phung Pharisi hmu phung lu blũ mhač djö kơ gơ. Snăn diñu leh anăn phung knông khua ngă yang tiô nao phung khua kahan mã cặp gơ. 33Snăn Yêsu lač, “Kâo sřang dôk mbít hông diih sui biă, leh anăn kâo sřang nao kơ Pô tiô hriê kâo leh; 34diih sřang duah kâo, biădah diih amâu sřang bñh kâo ôh; ti anôk kâo dôk diih amâu dưi nao ôh.” 35Phung Yuđa lač hđng diñu, “Ti êkei anei mñn čiăng nao töl drei amâu sřang bñh ñu ôh? Si ngă, ñu mñn čiăng nao kơ phung bra đũe ti krah phung Grêk leh anăn mtô kơ phung Grêk mơ? 36Si klei ñu lač anăn, ‘Diih sřang duah kâo, biădah diih amâu sřang bñh kâo ôh,’ leh anăn ‘Ti anôk kâo dôk, diih amâu dưi nao ôh?’”.

Hlam Y-Yohan kdrec 1, drei buh Y-Andre, Y-Philip leh anan Y-Natanel (phung jing bing kna nu) duah tui Jesu. Ya mta klei mde drei buh ko klei tui duah ti krah hlam Y-Yohan drec 1 leh anan hlam Y-Yohan drec 7 elan 25-36?

ITap nang klei edu ai jing brei drei tui duah Ae Die hong jih ai tie leh anan amao djo knong do Ae Die lo ba wit ko drei oh. Hdor mmong mao klei edu ai, jing brei ih tui duah Ae Die jih ai tie.

Hrue Tal Tlao -
Y-Yôhan 7:37-52

Êa Klei Hdĩp

37Ti hruê knhal tuč hlăm klei knăm, hruê yuôm hĩn, Yêsu dôk dơng leh anăn ur krah, “Hlei pô mhao êa, brei gơ hriê kơ kào leh anăn mnăm. 38Hlei pô đăo kơ kào, tui si Klei Aê Diê Blũ lač leh, ‘Srăng mào êa klei hdĩp đoh mớng ai tiê gơ.’” 39Nũu lač klei anăn djỗ kơ Yang Mngăt Jăk hlei pô đăo kơ Nũu srăng mã tũ; hruê anăn ka Aê Diê brei ôh Yang Mngăt Jăk, kyuadah Yêsu ka mào klei guh kơang ôh.

Phung uôn Sang Bi Kah Phung

40Tơdah hmu klei blũ anei, đă đă hlăm phung buôn sang lač, “Sĩt nik nũu anei yơh jing khua pô hun êlào.” 41Phung mkăn lač, “Nũu anei yơh jing Yang Krist.” iădah đă đă lač, “Yang Krist srăng kbiă hriê mớng čar Galilê mớ? 42Amào djỗ hẽ Klei Aê Diê Blũ lač leh kơ Yang Krist jing anak čô Y-Đawit, leh anăn kbiă hriê mớng buôn Betlêhem, buôn Y-Đawit dôk leh?” 43Snăn mào klei bi kah phung ti krah phung buôn sang kyua Yêsu. 44Đă đă phung diũu čiang mã čăp Yêsu, biădah amào mào pô ruêh Nũu ôh.

Phung Khua Yuđa Amào Đăo Ôh

45Tơdah phung khua kahan lữ wĩt, phung knớng khua ngă yang leh anăn phung Pharisi êmuh, “Si ngă diih amào đoh ba nũu lữ?” 46Phung khua kahan lữ wĩt lač, “Amào mào pô tuôm blũ msẽ si mnuih anăn ôh!” 47Phung Pharisi lữ wĩt lač kơ digơ, “Wăt diih msẽ mớ lữ leh? 48Mào leh mớ hlăm phung khua amăodah phung Pharisi đăo kơ nũu? 49iădah phung lu anei amào thào săng ôh klei bhiăn, jing phung arăng tăm pah leh.” 50Y-Nikôdem, sa čô hlăm phung diũu, pô nao leh kơ Yêsu hlăk êlào anăn, lač kơ diũu, 51“Klei bhiăn drei phat kđi mớ sa čô mnuih tơdah ka hmu klei nũu blũ leh anăn ka thào klei nũu ngă ôh?” 52Phung Pharisi lữ wĩt lač, “Ih msẽ mớ jing sa čô mnuih mớng čar Galilê? Ksiêm bẽ Klei Aê Diê Blũ leh anăn ih srăng thào amào mào ôh sa čô khua pô hun êlào kbiă hriê mớng čar Galilê.”

Hrue Tal Pa -

Y-Yôhan 7:53-8:11

[53Leh anăn grăp cõ wĩt kơ sang ñu pō.

Mniê Tlě Piu

1Yêsu nao kơ Čũ Ōliwơ. 2Aguah ưm Ñu lỏ nao kơ sang kkuh mpũ. Jih jang phung ƚuôn sang nao kơ Ñu, leh anăn Ñu dõk gũ mtõ kơ digơ. 3Phung khua čih hră leh anăn phung Pharisi atăt ba sa cõ mniê arăng mào mã êjai gơ tlě piu, dưm gơ ti krah phung lu, 4leh anăn lač kơ Yêsu, “Ơ Nai, arăng mã mniê anei êjai ñu tlě piu. 5Hlăm klei bhiăn Y-Mõis mtă brei drei bhĩr boh tào bi mdjiê pō ngă msě snăn. Bi ih, si ih lač kơ klei anăn?” 6Điñu lač klei anei čiang lông dlăng Yêsu, čiang bi mào klei dưi kčũt kơ Yêsu. Yêsu kkui leh anăn čih hõng kđiêng Ñu ti lãn. 7Tõdah phung anăn lỏ êmuh Ñu nanao, Yêsu kgũ dõng leh anăn lač kơ phung anăn, “Hlei hlăm phung diih amào mào klei soh õh, brei ñu bhĩr boh tào êlào hĩn kơ mniê anei.” 8Yêsu lỏ kkui leh anăn čih hõng kđiêng Ñu ti lãn. 9Iãdah tõdah diñu hmư klei anăn, đũe sa cõ sa cõ, dõng mõng pō mduôn hĩn; leh anăn Yêsu dõk hjãn mbĩt hõng mniê anăn dõk dõng ti anăp Ñu. 10Yêsu anguri dlăng leh anăn lač kơ mniê anăn, “Ơ mniê, ti phung kčũt kơ ih lě? Amào mào pō bi kmhal ih õh hě?” 11Mniê anăn lač, “Amào mào õh, khua ah.” Yêsu lač, “Kào kãn bi kmhal ih rei. Nao bẽ, leh anăn đãm lỏ ngă soh õh.”]

Hrue Tal Ema -
Y-Yôhan 8:12-30

Yêsu Jing Klei Mngač kơ Lăn Ala

12Yêsu lõ blũ kơ phung diñu, lač, “Kào jing klei mngač kơ lăn ala. Hlei pô tui hluê kào amâo srăng êbat hlăm klei mmăt ôh, biădah srăng mào klei mngač kơ klei hdĩp.” 13Phung Pharisì lač kơ Ñu, “Ih hũn kơ ih pô. Klei ih hũn amâo jing sít ôh.” 14Yêsu lõ wít lač, “Wăt tơdah kào hũn kơ kào pô, klei kào hũn jing sít, kyuadah kào thào mớng kào hriê leh anăn ti anôk kào đũe nao; biădah diih amâo thào ôh mớng kào hriê amâodah ti anôk kào nao. 15Diih phat kđi tui si kđeh; bi kào amâo phat kđi arăng ôh. 16iădah wăt tơdah kào phat kđi, klei kào phat kđi jing sít, kyuadah kào amâo phat kđi hjăn kào pô ôh, biădah kào mbít hống Ama Pô tiô hriê kào leh. 17Hlăm klei bhiăn diih mào klei cih leh, klei dua cồ mnuih hũn jing sít. 18Kào hũn bi sít kơ kào pô, leh anăn Ama Pô tiô hriê kào hũn bi sít kơ kào msě mơh.” 19Snăn diñu lač kơ Yêsu, “Ti Ama ih?” Yêsu lõ wít lač, “Diih amâo thào kral kào ôh, kăn diih thào kral Ama kào rei. Tơdah diih thào kral kào leh, diih srăng thào kral Ama kào msě mơh.” 20Yêsu blũ klei anei hlăm adũ pioh ngăn êjai Ñu mtô hlăm sang kkuh mpũ. iădah amâo mào pô mã cặp Ñu ôh, kyuadah mống Ñu ka truh ôh.

Diih Amâo Duri Nao Ôh Ti Anôk Kào Nao

21Yêsu lõ lač kơ diñu, “Kào srăng đũe nao, leh anăn diih srăng duah kào, biădah diih srăng djiê hlăm klei soh diih. Ti anôk kào nao, diih amâo duri nao ôh.” 22Snăn phung Yuđa lač, “Ñu srăng bi mdjiê ñu pô mớ, kyuadah ñu lač, ‘Ti anôk kào nao, diih amâo duri nao ôh?’” 23Yêsu lač kơ diñu, “Diih kbiă hriê mớng gũ, kào trũn hriê mớng dlông. Diih kbiă hriê mớng lăn ala anei, bi kào amâo kbiă hriê mớng lăn ala anei ôh. 24Kào hũn leh kơ diih srăng djiê hlăm klei soh diih; kyuadah diih srăng djiê hlăm klei soh diih tơdah diih amâo đăo ôh klei kào jing Pô Kào Jing.” 25Diñu êmuh Yêsu, “Hlei ih jing?” Yêsu lač kơ digơ, “Pô kào lač leh kơ diih mớng mphũn. 26Kào mào lu klei ciăng lač djô kơ diih, leh anăn lu klei ciăng phat kđi; biădah Pô tiô hriê kào leh jing sít, leh anăn kào hũn kơ lăn ala ya klei kào hmũ leh mớng Ñu.” 27Diñu amâo thào săng ôh kơ Yêsu blũ leh kơ diñu klei djô kơ Ama. 28Snăn Yêsu lač, “Tơdah leh diih yor Anak Mnuih ti dlông, hlăk anăn diih srăng thào kơ kào jing Pô Kào Jing, leh anăn kơ kào amâo ngă sa mta bruă hống klei duri kào pô ôh, biădah kào hũn snăn tui si klei Ama mtô leh kơ kào. 29Leh anăn Pô tiô hriê kào leh dôk mbít hống kào; Ñu amâo tuôm lui kào dôk hjăn ôh, kyuadah kào ngă klei bi mơak kơ Ñu nanao.” 30Kyua Yêsu blũ snăn, mào lu mnuih đăo kơ Ñu.